

---

“Бегобод” маҳалласида янги тантаналар мажмуаси фойдаланишга топширилди

Ўзбекистон тумани “Бегобод” маҳалласида 250 ўринли тантаналар мажмуаси иш бошлади.

Туман марказидан энг олис ҳудудлардан бири бўлган маҳалладаги моҳир уста Сардорбек Махмудов ўз оиласи билан эски бинони капитал реконструкция қилиб ушбу ташаббусга қўл урди. Бунёдкорлик ишлари учун 600 миллион сўмдан зиёд маблағ сарфланди.

Мажмуанинг очилиш маросимида иштирок этган туман ҳокими Шерзоджон Юлдашев ва сектор раҳбарлари маҳалла аҳлини Янги йил байрами ва кўркам мажмуа билан қутладилар. Маҳаллага янада ободлик, хонадонларга фаровонлик ва ана шундай эзгу ташаббуслар бардавомлигига тилаклар билдирилди.

2024-12-28 17:18:14